

Si Pitung
antara
acara2
menarik
Pesta Silat
Singapore

17 JUL 1978
✓ LAPAN jenis silat dari beberapa buah badan akan dipersembahkan dalam Pesta Silat Singapura Ketiga anjuran Persatuan Silat Singapura (Persisi) pada 21 dan 22 Julai ini di Panggung Negara.

Sementara empat jenis silat yang lain akan ditunjukkan dalam pesta tahunan itu.

Silat - silat yang akan dipertandingkan dalam pesta tahunan itu ialah Seni Gayung, Harimau, Seligi Tunggal, Bawean Asli, Kuningan, Kuntau Melaka, Sunda dan Cekak.

Silat yang akan diperlihatkan saja dalam pesta ini ialah Si Pitung, Ez Har, Dandangan Asli dan Al Haq.

Menurut setiausaha agung Persisi, Encik Johari Urip, beberapa persembahan kesenian yang lain akan diadakan dalam majlis yang akan dijalankan mulai 7.30 malam itu.

Salah satu persembahan itu ialah tarihan kuda kepong yang akan diperlihatkan oleh anggota-anggota dari Badan Kesenian Melayu Singapura.

Badan - badan yang ingin mengambil bahagian masih lagi boleh membuat permohonan dan tarikh penutup pada 7 Julai.

Tiket - tiket menonton boleh didapati dari semua kerabat Persisi, Pejabat Persisi (3, Jalan Penggaga), Panggung Negara dan juga di rumah Persisi (2731F, Block 10, Eunus Crescent).

Pesta Silat: Jagoh2 wanita akan ikut jayakannya

21 JUL 1978
✓ BUAT pertama kalinya jagoh-jagoh silat wanita akan mengambil bahagian dalam pesta silat Singapura yang akan diadakan di Panggung Negara, malam ini.

Seramai 14 orang jagoh silat itu dari tujuh buah pertubuhan akan menyertai satu pertandingan bebas di kalangan para peserta wanita saja.

Mereka adalah dari kalangan 112 orang jagoh silat yang akan bertarung untuk merebut lapan bahagian kejohanan pesta yang dianjurkan oleh Persatuan Pencak Silat Singapura (Persisi).

Encik Johari Urip, setiausaha Persisi, semasa dihubungi berkata: "Pernyataan jagoh-jagoh wanita dalam pertandingan pertandingan itu akan memeriahkan lagi pesta tahun ini.

Permulaan

"Meskipun tahun ini merupakan tahun permulaan bahagian wanita diadakan, namun sambutannya begitu menggalakkan sekali.

"Kami berharap lebih ramai jagoh wanita akan mengambil bahagian dalam pesta silat akan datang," katanya.

Pesta Silat dua hari itu akan dirasmikan oleh Menteri Negara Kanan (Luar Negeri), Encik A. Rahim Ishak, dan akan ditutup oleh Pemangku Menteri. Hal Ehwal Ma-

syarakat, Dr. Ahmad Mat-tar.

Malam pertama peraduan ialah untuk bahagian pendekar muda dan Sri Kandi (untuk wanita). Ia disusuli dengan pertunjukan silat Sipitung, Bandang Gemalan, Setiahati, Kuningan dan sebagainya.

Sementara malam kedua, acara tertumpu kepada bahagian Tunas Pendekar untuk budak-

budak berusia 8 hingga 13 tahun, dan bahagian Pendekar untuk jagoh berusia 18 tahun keatas.

Dipersembahkan juga ialah silat Sipitung, Perpensis, Eshar, Al-Hak, Bandangan Asli dan Silat Mistri.

Tiket-tiket bagi menyaksikan pesta itu berharga \$1, \$2, dan \$3 dijual di Panggung Negara mulai 11.00 pagi.

Sidek: Seni silat penting ditinggikan

21 JUL 1978
✓ PERI pentingnya meninggikan mutu seni silat telah disuarakan oleh Anggota Parlimen Kolam Ayer, Encik Sidek Sanif malam semalam.

Ketika menerima sebuah Piala Pusingan Perpensis untuk bahagian pendekar dewasa Pesta Silat Kebangsaan anjuran Persisi, dia berkata:

"Silat sebagai satu seni mempertahankan diri akan tinggi mutunya, bila saja menyebut silat orang telah tahu bahawa ia merupakan seni warisan kita, seperti juga karate, judo serta seni pertahankan diri yang lain."

Dia menambah, jika ini telah tercapai ia merupakan satu penghargaan dan penghormatan untuk semangat kesilatan kita di masa depan.

Tidak rugi

Sementara hadiah pula, yang berupa plala sebagai satu daya penggalak kepada para peserta yang mengambil bahagian, kata Encik Sidek yang juga menjadi Timbalan Yang Dipertua Persisi.

Majlis penyampaian itu telah berlangsung di rumah Perpensis di Ipoh Lane, di mana Yang Dipertua pertubuhan tersebut, Ustaz Taha Suhaimi telah menyampaikan plala itu kepada Encik Sidek.

Sementara itu, setiausaha Perpensis, Encik Kamsin Haji Pamer menyatakan pemberian itu adalah satu sumbangan pihaknya kepada Persisi.